



UNIVERSITÄTS-  
BIBLIOTHEK  
PADERBORN

**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

xv La vie de s. Eusebe de Vercueil, mart.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)



14. Dec. 27. Nov. A Naples saint Agneau Abbé, venant pour la multitude de ses miracles. On l'a veu par plusieurs fois, la ville estant assiegee, la deliurer des mains des ennemis par le moyen de la banniere où estoit peinte la sainte Croix.

LA VIE DE SAINT EVSEBE,  
Euesque de Verceil, Martyr.



A vie de saint Eusebe Euesque de Verceil, ville de Lombardie, est prise de ce qu'en a fait compiler depuis peu, Jean François nô homme Euesque dudict lieu, & de ce qui est rapporté par Vincent de Beauuais en son Histoires: Surtius en son quatriesme Tome, & de ce qu'en escrit Baronius es Annotations du Martyrologe Romain, & au troisieme & quatriesme Tome de ses Annales. Du teps du Pape Eusebe, Grec denation, qui entra au saint Siege l'an de nostre Seigneur 309, il vint de Sardaigne à Rome vne femme d'honneur nommée Restitute, qui amena vn sien fils avec soy, lequel elle offrit au Saint Pape Eusebe, & le supplia de le prendre en sa protection, & de le faire instruire à la vertu. Eusebe le fit volontiers, le baptisa & luy donna nom: auparauant que de le baptiser, il eut reuelation qu'il seroit vn iour vn grand personnage, & l'on dit que les Anges le tirerent eux-mêmes des fonds de Baptesme. Le Saint Pape le fit nourrir & instruire es bonnes lettres, en sorte que par la grace de nostre Seigneur, & le grand esprit d'Eusebe, il vint avec le temps à estre la lumiere de l'Eglise Catholique, vn tres-Saint Religieux, vn tres-excellent Prelat, vn fleau & contrepoison des Heretiques Arriens, desquels il endura de tres-rudes persecutions pour nostre Sainte Religion, il s'adonna tellement à la chasteté, qu'il demeura perpetuellement vierge: pour s'y maintenir avec plus de retenuë, il ne voulut iamais baiser sa propre mere en face, & vne femme impudique qui vouloit s'aller coucher avec luy toute la nuit, ne sceut iamais trouuer sa chambre, parce que les Anges l'en destournoient, & le lendemain au matin ayant recogneu sa faute, elle se jecta à ses pieds, & luy demanda pardon. Il entra en Religion, & depuis fut esleu Euesque de Verceil (qui estoit en ce temps-là vne Eglise fort renommee) & ne laissa pas pour cela les Saints exercices du Monastere; au contraire, comme dit saint Ambroise qui le loue fort, ce fut le premier d'Italie qui sceut ioindre la penitence des Moines, avec la dignité & occupation des Clercs, comme fit S. Martin en France, & S. Augustin en Affrique.

En ce temps-là l'heresie Arrienne ayant vent en poupe par la faueur de l'Empereur Constance fils du grand Constantin, comme vn espouventable incendie embrasoit toutes les Provinces de l'Orient, & menaçoit celles de l'Occident. Les Heretiques Arriens scachans donc qu'Eusebe auoit esté nommé Euesque de Ver-

27. Nov. ceil, ils tascherent à luy empescher l'entree, ayant fait barrer & fermer les portes de l'Eglise Cathedrale: mais le Saint les ouurit par sa priere, s'estant agenouillé au paruis de l'Eglise, & en print possession: Le Pape Libere estoit pour lors seant à Rome, lequel voulant esteindre le feu qui s'augmentoit de iour en iour, il enuoya vne solempnelle Ambassade à l'Empereur Constance qui auoit passé en France, le priant de trouuer bon qu'on assemblast vn Concile à Milan, pour le repos & tranquillité de l'Eglise, qui estoit tant agitée des vents cōtraires des nouuelles & faulces opinions qui s'ellesuoient de plus en plus. Et d'autant qu'Eusebe estoit homme de grãdefaincteté & autorité, Libere luy escriuit, & commanda par lettres de faire ceste ambassade vers l'Empereur avec les Legats, & de procurer la paix de l'Eglise Catholique. Eusebe sans s'excuser sur son aage, s'y employa, & obtint ce qu'il voulut de Constance.

Le Concile fut assemblé à Milan, où l'Empereur se trouua en personne, & les Euesques Arriens à l'abry de sa faueur & fureur: lesquels firent condamner saint athanase, qui estoit leur plus grand ennemy, & celuy qu'ils abhorroient le plus, tromperent & peruertirent quelques Euesques Catholiques: toutesfois ils ne peurent venir à bout de nostre Eusebe, ny l'induire à leur volonté, de sorte qu'ils tournerent leur rage contre luy, le bannissant & chassant hors de son Eglise, avec Lucifer Euesque de Cailler en Sardaigne, & Paulin Euesque de Treues, & Denys Euesque de Milan, qui n'auoient pas voulu consentir & souscrire à la condamnation d'athanase. Ces Euesques furent bannis, les Catholiques qui les honoroient furent affligez, les seccourans de leurs moyens, les logeant & traitant par tout où passoient ces Saints Prelats & Confesseurs de Iesus-Christ qui enduroient pour la Foy. Mais pour ne point parler des autres, (desquels nous n'escriuons pas icy les vies) nostre Eusebe arriva à Scitopolis lieu de son exil, & tomba es mains d'vn Euesque Arrien nommé Patrofile, qui estoit le plus testu & obstiné heretique de tous, & d'autre-part l'homme (s'il est digne de ce nom) le plus inhumain & barbare qu'on eust sceu trouuer, lequel print Eusebe, & le fit mettre en prison, avec tant de mauuais traitemens, qui l'y retint plusieurs iours, sans luy faire donner à manger, afin qu'il mourust de faim, ou bien mangeast des viandes qu'il luy presentoit, voulant en cas qu'il en eust mangé publier qu'Eusebe s'estoit rangé à son opinion: & par ceste ruse tromper les Catholiques; que s'il venoit à mourir faute d'auoir mangé, il eust donné à entendre qu'il estoit mort de desespoir. Mais Eusebe ne voulut manger des viandes des heretiques, de peur de faire preiudice aux Catholiques, & escriuit vne lettre à Patrofile, digne de sa sainteté & constance, l'aduertissant que s'il mouroit de faim en la prison, tout le monde scauroit qu'il en seroit cause, & qu'Eusebe ne se la seroit pas donnée de soy-mesme. Il escriuit aussi vne lettre à son Eglise de Ver-



15.  
DEC.

ceil, consolant ses brebis, les exhortant & encourageant à mourir pour la foy Catholique, avec vne deduction par le menu de ce qu'on luy faisoit endurer, où entr'autres choses il dict ces mots: *Les heretiques me disent beaucoup de choses, & se vantent de leur grand pouuoir, neantmoins le leur ay voulu monstrer qu'ils n'estoient rien, & pouuoient encore moins, en leur abandonnant mon corps comme à des bourreaux, sans dire mot; & durant quelques iours qu'ils ne m'ont pas esparagné, j'ay monstré avec quel courage j'endurois leurs iniures, en ne parlant point à eux.* En apres, il discours de ce qu'il escriuit à Patrofile, & rend la raison pourquoy il ne voulut pas manger de ce qu'il luy enuoyoit, & de la cruauté dont les Arriens auoient vŕe enuers luy: & dit qu'ils estoient plus cruels enuers luy, que les Gentils & Payens qui auoient tyrannisé les Martyrs, ne s'estoient monstré enuers eux. Car apres auoir esprooué sa constance, & taché en vain à luy persuader de fléchir & consentir à leur perfidie, voyans qu'ils ne pouuoient rien gagner sur luy, ils le traifnerent par les pieds du haut d'un degré iusques en bas: & l'importunans sans cesse sur vne mesme façon, ils le traifnerent & faiboulerent autant de fois, comme dit saint Maxime en vn Sermon, qu'il refusa de leur obeyr. Depuis, comme escriit saint Hierosme, pour le tormenter de pis en pis, ils l'enuoyerent de Scitopolis à Capadoce en exil; encore dit-on que là ils le despayerent en la haute Thebaïde d'Egypte. Toutesfois par la mort de Constance, il demeura lors libre des mains des Arriens, & s'en alla en Alexandrie, où saint Athanase (qui auoit esté restably en son Eglise) assembloit vn Concile, & de là à Antioche, pour pacifier les contentions qui estoient entre les ecclesiastiques. Et par ordonnance du Concile amassé en Alexandrie, & du Pape Libere, il alla visiter les Eglises d'Orient qui estoient cheutes & ruinées par la tempeste & orage des Arriens, afin de les redresser, & y restablir des ministres Catholiques qui s'opposassent aux heretiques. Et ayant acheué ceste commission avec vn grand zele & vigilance, il retourna en Italie, où il fut receu, comme vn braue Capitaine & Confesseur de Iesus-Christ, & les Catholiques, comme dit S. Hierosme, esfuierent la fange dont ils estoient barbouillez. Il fit en Italie le mesme office de prestre & Medecin, qu'il auoit exercé en Orient, visitât & consolant les Eglises avec vne ioye & profit incroyable des Catholiques, & au grand contre-cœur des heretiques, lesquels en fin (comme il est porté en la dernière impression de sa vie, Baronius le rapporte) le traifnerent & tourmenterent de diuers supplices, le lapiderent, & luy rompirent la teste, & le corps en pieces, & il acheua glorieusement sa course, âgé de quatre vingts ans, l'an de Nostre Seigneur 371. sous l'Empire de Valentinian & Valens son frere: Voilà ce qui est rapporté en sa vie, qui est cause qu'on l'appelle Martyr, & le Martyrologe Romain luy donne ceste qualité le premier d'Aoult, & les autres anciens, & l'Epitaphe escriit sur son tombeau, & Clement VIII. en son Breviaire reformé. Il est

vray que saint Ambroise & d'autres Saints ne l'appellent que Confesseur, & ne font aucune mention du genre de mort que nous auons rapporté. Saint Gregoire de Tours rapporte quelques miracles de saint Eusebe apres sa mort, particulierement à deliurer les possédez, à esteindre le feu, lequel il empecha de brusler la maison du mesme saint Gregoire, à cause qu'il y auoit dedans vne Relique de saint Eusebe.

Le Martyrologe Romain met le iour de son deceds le premier iour d'Aoult, & les autres Martyrologes pareillement, encore que le Breviaire de Clement VIII. commande qu'on fasse la commemoration au 15. de Decembre, c'est pourquoy nous l'auons mis icy.

*A Rome moururent les saints martyrs Irenee, Antoine, Theodore, Saturnin, Victor, & autres dix sept, lesquels endurent du temps de Valerian. Item saint Eleuther Euesque de Scamone, qui fut tue sous l'Empereur Adrian. En Afrique endurent mort & Passion saint Eustache, Lucie, Canide, Callian, Marc, Janvier & Fortuné. La mesme deceda saint Valerian Euesque & Confesseur, lequel estant âgé de plus de quatre vingts ans, durant la persecution des Vandales, sous le Roy Genseric Arrien, fut par luy sommé de luyer le meuble & vaisselle de l'Eglise, ce que refusant faire, il fut chassé hors la ville, & desŕence saite que perŕonne ne luy permit qu'il entrast en quelque maison, ou mesme le veyrast dans quelque champ sur le chemin public, iour & nuit au desŕouort, jnt en tel estat sa vie, pour la confession & desŕence de la foy Catholique. A Micy pres Orleans deceda saint Maximin ou Mesmin Abbé dudit lieu & Confesseur. Au pays des Iberiens ou Georgiens qui font au delà du Pont en Asie, sainte Chrestienne chanoïre, laquelle par ses miracles conuertit les gens desdits pays à la foy de nostre Sauueur.*

*A Tel iour moururent les trois enfans, Ananie, Azarie & Misael: leurs corps furent enseulés dans vne caverne en Babylonie. Et à Rauenne saint Valentin general de l'infanterie, Concorde son fils, Nabal & Agricole, lesquels endurent la mort pour nostre Sauueur, durant la persecution de Maximian, & Formi en la champaigne d'Italie, sainte Albine vierge & martyre, souffrit sous Dece. A Vienné en Dauphiné mourut S. Ado Euesque & Confesseur. A Aberdene en Islande saint Bean Euesque. A Veronne saint Laper Euesque & Confesseur. A Gaze en Paleŕsine saint Iremion Euesque. A Rome sainte Aselle vierge, laquelle (comme escriit saint Hierosme) ayant esté benistée des le ventre de sa mere, vescu en perpetuels ieiuns & oraisons, & mourut fort âgée.*

*A Tel iour le corps de saint Ignace martyr, qui fut troisieme Euesque d'Antioche apres saint Pierre, fut de Rome, où il auoit enduré le martyre du temps de l'Empereur Traian, transporté en Antioche, & enseulé hors de la porte des Lauriers, au cimetiere de l'Eglise, saint Jean Chrysostome fit vn sermon au peuple le iour de ladite translation. Depuis il fut rapporté à Rome, & enseulé en l'Eglise de S. Clement, avec le corps dudit S. Pape & martyr. A Comedia se fait la commemoration de plusieurs saints martyrs, lesquels s'estans cachez dedans les montagnes & cavernes, du temps de l'Empereur Diocletian, endurent ioyeusement le martyre. A Eleutheropoli en Paleŕsine, les saints martyrs Florian, Calanique, & cinquante huit de leurs compagnons, furent mis à mort par les Sarrazins du temps de l'Empereur Heraclie. A Marseille deceda saint Lazare Euesque refusé des morts par nostre Sauueur, comme par le S. Euanqile. A Fondy en Italie saint Honoré Abbé, duquel S. Gregoire fait mention. A Bigarde pres de Bruxelles, sainte ruine vierge, la sainteté de laquelle est attestée par frequents miracles. A Constantinople sainte Olympias veufue. A Andan sur la Meuse pres de Namur en l'Abbaye des sept Eglises, trespassa sainte Begge veufue, ŕeur de sainte Gertrude.*